

H S G 68<sup>-a</sup>

Cod. Cgm. 850

15. Jh.

## Reiseseegen

fol. 59a Ich bevil mich in die trew die der vater vor  
hymelreich dir seine Sun bevalch In dein  
sel in dein leib das du mich beschirmest  
vnd behutest vor allen meynen viendē si  
sint sichtig (59b) ader vnsichtig vnd vor  
allem vngeluck Amen

Fraw sancta maria ich bevilch mich dir in  
den trawen als er dir seine jüger an dem  
creucz befal vnd dich seine iüger wider  
befal Also entphil ich mich dir in den  
selben trawen das du mich beschirmen vnd  
behute müssest vor alle meine vienden vnd  
vo<sup>s</sup> alle schade leibes vnd der sel<sup>s</sup> fraw  
santa maria ich befal mich Johannes dir vnd  
(60a) ~~roxalis~~ in alle die frewd vnd yn allen den  
gewalt den du hast in hymelreich vnd in  
ertreich vnd ermane dich dein<sup>s</sup> muterlich  
erbermde das du mich behutest vnd beschir-  
mest vor allen meinenn vienden sie seint  
sichtig ader vnsichtig mein leib vnd mein  
leben mein flaisch meyn plut mein gelider  
mey gebain vnd alle meine werck<sup>s</sup> bevilch  
ich dir in dein muterlich erbermde (60b)  
das du mich behutest vor allem vngeluck  
Ich bevilch mich Johannes in den almechtige  
got als er sein müter bevalch sant Johann-  
sen do er an dem creucz stund in die selben  
gnad als er seine gaist seinem vater be-  
valch do er an dem creucz wolt sterben In  
die selbe gnad vnd trew als er sat maria zu  
ainer müter erwalt In die selben gnad als  
sant Jacob seine sun (61a) bevalch do er in  
das lant egipten In die selben genad als  
im sant thobias seine sun bevalch In dem  
namen des vaters des suns vnd des hailigen  
gaistes Amen Das das war werd das helff vns  
got der vater der sun vnd der hailig gaist  
AMEN vnd spröch ain pater nr vnd ain aue  
maria ~